


起世因本經

第一

二百八  
映一

49554



起世因本經卷第一

隋三藏法師達摩笈多譯

映

閻浮洲品第一

如是我聞一時婆伽婆在舍婆提城迦利羅石室時諸比丘食後皆集常說法堂一時坐已各各生念便共議言是諸長老未曾有也今此世間衆生所居國土天地去何成立去何散壞去何壞已而復成立去何立已而得安住



尔時世尊獨在靜室天耳徹聽清淨過人聞諸比丘食後皆集常說法堂共作如是希有言論世尊聞已晡時出禪從石室起往法堂

上在諸比丘大眾之前依常敷座儼然端坐  
於是世尊知而故問汝等比丘於此集坐向  
來議論有何所說時諸比丘同白佛言大德  
世尊我等比丘於此法堂食後共集大眾詳  
議作如是言是諸長老未曾有也去何世間  
如是成立去何世間如是散壞去何世間壞  
已復立去何世間立已安住大德世尊我等  
向來集坐言論正議斯事爾時佛告諸比丘  
言善哉善哉汝諸比丘乃能如是如法信行  
諸善男子汝以信故捨家出家汝等若能共  
集一處作如是等如法語者不可思議汝等  
比丘若集坐時應當修此二種法行各爲己

業不生怠慢所謂論說法義及聖默然若能  
尔者汝等當聽如來所說如是之義世間成  
立世間散壞世間壞已而復成立世間立已  
而得安住時諸比丘同白佛言大德世尊今  
正是時修伽多今正是時若佛世尊為諸比  
丘說此義者我諸比丘聞世尊說當如是持  
尔時佛告諸比丘言汝等比丘諦聽諦聽善  
思念之我當為汝次第演說時諸比丘同白  
佛言唯然世尊願樂欲聞佛言比丘如一日  
月所行之處照四天下如是等類四天世界  
有千日月所照之處此則名為一千世界諸  
比丘千世界中千月千日千須弥山王四千

小洲四千大洲四千小海四千大海四千龍  
種姓四千大龍種姓四千金翅鳥種姓四千  
大金翅鳥種姓四千惡道處種姓四千大惡  
道處種姓四千小王四千大王七千種種大  
樹八千種種大山十千種種大泥犁千閻摩  
王千閻浮洲千瞿陀尼千弗婆提千鬱單越  
千四天王天千三十三天千夜摩天千兜率  
陀天千化樂天千他化自在天千摩羅天千  
梵世天諸比丘於梵世中有一梵王威力最  
強無能降伏統攝千梵自在王領去我能作  
能化能幻去我如父於諸事中自作如是憍  
大語已即生我慢如來不尔所以者何一切

世間各隨業力現起成立諸比丘此千世界

猶如周羅

周羅者隋言騫

名小千世界諸比丘亦所

周羅一千世界是名第二中千世界諸比丘  
如此第二中千世界以為一數復滿千界是  
名三千大千世界諸比丘此三千大千世界  
同時成立同時成已而復散壞同時壞已而  
復還立同時立已而得安住如是世界周徧  
燒已名為散壞周徧起已名為成立周徧住  
已名為安住是為無畏一佛刹土衆生所居  
諸比丘今此大地厚四十八万由旬周闢無  
量如是大地住於水上水住風上風依虛空  
諸比丘此大地下所有水聚厚六十万由旬

周闊無量彼水聚下所有風聚厚三十六万  
由旬周闊無量諸比丘此大海水最極深處  
深八万四千由旬周闊無量諸比丘須弥山  
王下入海水八万四千由旬上出海水亦八  
万四千由旬須弥山王其底平正下根連住  
大金輪上諸比丘須弥山王在大海中下狹  
上闊漸漸寬大端直不曲大身牢固佳妙殊  
特最勝可觀四寶合成所謂金銀瑠璃頗梨  
須弥山上生種種樹其樹鬱茂出種種香其  
香遠薰徧滿諸山多衆聖賢最大威德勝妙  
天神之所住止諸比丘須弥山王上分有峯  
四面挺出曲臨海上各高七百由旬殊妙可



愛七寶合成所謂金銀瑠璃頗黎真珠車璆  
瑪瑙之所莊校諸比丘須弥山下別有三級  
諸神住處其最下級縱廣正等六十由旬七  
重牆院七重欄楯七重鈴網復有七重多羅  
行樹周帀圍遶端嚴可愛其樹皆以金銀瑠  
璃頗黎赤珠車璆瑪瑙七寶所成一一牆院  
各有四門於一一門有諸壘堞重閣輦軒却  
敵樓櫓臺殿房廊苑囿池沼具足莊嚴一一  
池中並出妙華散衆香氣有諸樹林種種莖  
葉種種華菓悉皆具足亦出種種殊妙香氣  
復有諸鳥各出妙音鳴聲間雜和雅清暢其  
第一級縱廣正等四十由旬七重牆院七重

欄楯七重鈴網多羅行樹亦有七重周而齊  
平端嚴可愛亦爲七寶金銀瑠璃頗黎赤珠  
車璫瑪瑙之所校飾所有莊嚴門觀樓閣臺  
殿園池菓樹衆鳥皆悉具足其最上級縱廣  
正等二十由旬七重牆院乃至諸鳥各出妙  
音莫不具足諸比丘於下級中有夜叉住名  
曰鉢手第二級中因夜叉住名曰持鬘於上  
級中有夜叉住名曰常醉諸比丘須彌山半  
高四万二千由旬有四大天王所居宮殿須  
彌山上有三十三天宮殿帝釋所居三十三  
天已上一倍有夜摩諸天所居宮殿夜摩天  
上又更一倍有兜率陀天所居宮殿兜率天

上又更一倍有化樂諸天所居宮殿化樂天  
上又更一倍有他化自在諸天宮殿他化天  
上又更一倍有梵身諸天所居宮殿他化天  
上梵身天下於其中間有魔羅波旬諸天宮  
殿倍梵身上有光音天倍光音上有徧淨天  
倍徧淨上有廣果天倍廣果上有不鹿天廣  
果天上不鹿天下其間別有諸天宮殿所居  
之處名無想衆生倍不鹿上有不惱天倍不  
惱上有善見天倍善見上有善現天倍善現  
上有阿迦尼吒諸天宮殿諸比丘阿迦尼吒  
已上更有諸天名無邊空處無邊識處無所  
有處非想非非想處此等皆名諸天住處諸

比丘如是處所如是界分衆生居住是諸衆  
生若來若去若生若滅邊際所極此世界中  
所有衆生有生老死墮在如是生道中住至  
此不過是名娑婆娑世界無畏刹土諸餘十方  
一切世界亦復如是諸比丘須彌山王北面  
有洲名鬱單越其地縱廣十千由旬四方正  
等彼洲人面還似地形諸比丘須彌山王東  
面有洲名弗婆提其地縱廣九千由旬圓如  
滿月彼洲人面還似地形諸比丘須彌山王  
西面有洲名瞿陀尼其地縱廣八千由旬形  
如半月彼洲人面還似地形諸比丘須彌山  
王南面有洲名閻浮提其地縱廣七千由旬

比闕南狹如婆羅門車其中人面還似地形  
諸比丘須弥山王北面天金所成照鬱單越  
洲東面天銀所成照弗婆提洲西面天頗梨  
所成照瞿陀尼洲南面天青瑠璃所成照閻  
浮提洲諸比丘鬱單越洲有一大樹名菴婆  
羅其本縱廣有七由旬下入於地二十一由  
旬高百由旬枝葉垂覆五十由旬諸比丘弗  
婆提洲有一大樹名迦曇婆其本縱廣亦七  
由旬下入於地二十一由旬高百由旬枝葉  
垂覆五十由旬諸比丘瞿陀尼洲有一大樹  
名鎮頭迦其本縱廣亦七由旬乃至枝葉垂  
覆五十由旬於彼樹下有一石牛高一由旬

以此因緣名瞿陀尼

隋言牛施

諸比丘此閻浮洲

有一大樹名曰閻浮其本縱廣亦七由旬乃

至枝葉垂覆五十由旬於此樹下有閻浮那

檀金聚高二十由旬以此勝金出閻浮樹下

是故名爲閻浮那檀閻浮那檀金者因此得

名諸比丘諸龍金翅所居之處有一大樹名

曰拘吒賒摩利其本縱廣亦七由旬乃至枝

葉垂覆五十由旬諸比丘阿修羅處有一大

樹名善晝華其本縱廣亦七由旬乃至枝葉

垂覆五十由旬諸比丘三十三天有一大樹

名曰天遊其本縱廣亦七由旬下入於地二

十一由旬高百由旬枝葉垂覆五十由旬諸

比丘須彌山下次復有山名佉提羅高四万  
二千由旬上闍亦尔端嚴可愛七寶合成所  
謂金銀瑠璃頗黎赤珠車璅瑪瑙諸比丘其  
須彌山佉提羅山二山之間闍八万四千由  
旬周币無量優鉢羅華鉢頭摩華拘牟陀華  
奔荼利迦華等諸妙香物徧覆水上諸比丘  
佉提羅外有山名曰伊沙陀羅高二万一千  
由旬上闍亦尔端嚴可愛乃至馬瑙等七寶  
所成佉提羅山伊沙陀羅二山之間闍四万  
二千由旬周币無量優鉢羅華鉢頭摩華拘  
牟陀華奔荼利迦華等諸妙香物徧覆水上  
伊沙陀羅山外有山名曰遊軋陀羅高一万

二千由旬上闕亦尔端嚴可愛乃至瑪瑙等  
七寶所成伊沙陀羅遊軋陀羅二山之間闊  
二万一千由旬周币無量優鉢羅華鉢頭摩  
華拘牟陀華奔荼利迦華等諸妙香物徧覆  
諸水遊軋陀羅山外有山名曰善見高六千  
由旬上闕亦尔端嚴可愛乃至瑪瑙等七寶  
所成遊軋陀羅與善見山中間相去一万二  
千由旬周币無量優鉢羅華鉢頭摩華拘牟  
陀華奔荼利迦華等諸妙香物徧覆諸水善  
見山外有山名曰馬半頭高三千由旬上闕  
亦尔端嚴可愛乃至瑪瑙等七寶所成其善  
見山與馬半頭二山之間闊六千由旬周币



無量優鉢羅華鉢頭摩華拘牟陀華奔荼利  
迦華等諸妙香物徧諸水上馬半頭外有山  
名曰呾民陀羅高一千二百由旬上闕亦尔  
端嚴可愛乃至馬瑙等七寶所成其馬半頭  
呾民陀羅二山之間闊二千四百由旬周而  
無量優鉢羅華鉢頭摩華拘牟陀華奔荼利  
迦華等諸妙香物徧覆於水呾民陀羅山外  
有山名毗那耶迦高六百由旬上闕亦尔端  
嚴可愛乃至馬瑙等七寶所成呾民陀羅毗  
那耶迦二山之間闊一千二百由旬周而無  
量四種雜華乃至諸妙香物徧覆諸水毗那  
耶迦山外有山名斫迦羅

隋言輪圍即高三  
是鐵圍山也

百由旬上闕亦亦端嚴可愛乃至馬瑙等七  
寶所成毗那耶迦及斫迦羅二山之間闊六  
百由旬周匝無量四種雜華及諸妙香物徧  
覆於水去斫迦羅山其間不遠亦有空地青  
草徧布即是大海於大海北有大樹王名曰  
閻浮樹身周圍有七由旬根下入地二十一  
由旬高百由旬乃至枝葉四面垂覆五十由  
旬邊有空地青草徧布次有菴婆羅樹林閻  
浮樹林多羅樹林那多樹林亦各縱廣五十  
由旬間有空地生諸青草次有男名樹林女  
名樹林刪陀那林真陀那林亦各縱廣五十  
由旬邊有空地青草徧布次有呵梨勒菓林

鞞醯勒菓林阿摩勒菓林菴婆娑羅多迦菓林  
亦各縱廣五十由旬邊有空地青草弥覆次  
有可殊羅樹林毗羅菓林婆那娑菓林石榴  
菓林亦各縱廣五十由旬邊有空地青草弥  
覆次有烏勃樹林柰樹林甘蔗林細竹林大  
竹林亦各縱廣五十由旬邊有空地青草弥  
覆次有荻林箬林割羅林大割羅林迦奢文  
隨林亦各縱廣五十由旬邊有空地青草弥  
覆次有阿提目多迦華林瞻波華林波吒羅  
華林蓄薇華林亦各縱廣五十由旬邊有空  
地青草徧覆復有諸池優鉢羅華鉢頭摩華  
拘牟陀華奔荼利迦華等弥覆池上復有諸

池毒蛇充滿亦各縱廣五十由旬間有空地  
青草徧覆次復有海名烏禪那邊闊十二由  
旬其水清冷味甚甘美輕爽澄淨七重砌壘  
七寶間錯七重欄楯七重鈴網外有七重多  
羅行樹周帀圍遶殊妙端嚴以瑪瑙等七寶  
裝飾周徧四方有諸階道悉皆端嚴亦以金  
銀瑠璃頗黎赤珠車磔馬瑙等之所合成復  
有無量優鉢羅華鉢頭摩華拘牟陀華奔荼  
利迦華等徧覆水上其華火色即現火光有  
金色者即現金光有青色者即現青光有赤  
色者即現赤光有白色者即現白光娑無陀  
色現娑無陀光華如車輪根如車軸其根出

汁色白如乳味甘若蜜諸比丘烏禪那迦海中  
有轉輪聖王所行之道亦聞十二由旬閻浮  
提中轉輪聖王出現世時此中海道自然  
涌現與水齊平諸比丘次烏禪那迦海有山  
名曰烏承伽羅諸比丘此烏承伽羅山莊嚴  
端正殊妙可觀一切樹一切葉一切華一切  
葉一切香種種草種種鳥獸但是世間所出  
之物於彼山中無不悉備諸比丘烏承伽羅  
山如是端正殊妙可觀汝等應當善持此也  
諸比丘次復有山名曰金脇於此山中有八  
万窟有八万龍鳥在中居住並皆白色如拘  
牟陀華七枝拄地悉有神通乘空而行其頂

赤色似因陀羅瞿波迦垂六牙具足其牙纖  
利雜色金填諸比丘過金脇已即有雪山高  
五百由旬闊厚亦尔其山殊妙四寶所成謂  
金銀瑠璃頗黎其山四面有四金峯挺出山  
外各高二十由旬復有高峯衆寶間雜迥然  
秀出高百由旬於山頂上有池名曰阿耨達  
多阿耨達多龍王在中居住其池縱廣五十  
由旬其水涼冷味甘輕美清淨不濁七重塼  
壘七重板砌七重欄楯七重鈴網周而圍遶  
端嚴殊妙乃至馬瑙等七寶所成復有諸華  
優鉢羅華鉢頭摩華拘牟陀華奔荼利迦華  
其華雜色青黃赤白大如車輪下有藕根鹿

如車軸汁白如乳味甘如蜜諸比丘此阿耨  
達多池中有阿耨達多龍王宮其殿五柱殊  
妙可愛阿耨達多龍王與其眷屬在中遊戲  
受天五欲快樂自在諸比丘阿耨達多池東  
有恒伽河從魚口出與五百河俱流入東海  
阿耨達多池南有辛頭河從牛口出與五百  
河俱流入南海阿耨達多池西有博叉河從  
馬口出與五百河俱流入西海阿耨達多池  
北有斯陀阿從師子口出與五百河俱流入  
北海諸比丘以何因緣此龍名爲阿耨達多  
諸比丘有三因緣何等爲三諸比丘閻浮洲  
中有諸龍住處惟除阿耨達多龍王其餘諸

龍受快樂時便有熱沙墮其身上諸龍亦時  
即失天形現地地形相諸龍時時受斯等苦阿  
耨達多龍王無如此事是名第一因緣諸比  
丘閻浮洲中除阿耨達多龍王其餘諸龍遊  
戲樂時有熱風來吹其身體即失天形現地  
形相有如是苦阿耨達多龍王無如此事是  
名第二因緣諸比丘閻浮洲中所有諸龍遊  
戲樂時金翅鳥王飛入其宮諸龍既見金翅  
鳥王心生恐怖以恐怖故即失天形現蛇形  
相具受衆苦阿耨達多龍王無如此事若金  
翅鳥王生如是心我今欲入阿耨達多龍王  
宮內彼金翅鳥以報劣故即自受苦永不能



入阿耨達多龍王宮殿諸比丘此是第三因緣是故說名阿耨達多諸比丘雪山南面不遠有城名毗舍離毗舍離北有七黑山七黑山北復有香山於香山中無量無邊緊那羅住常有歌儻音樂之聲其山多有種種諸樹其樹各出種種香熏大威德神之所居止

諸比丘彼香山中有二寶窟一名雜色二名善雜色殊妙可愛乃至瑪瑙七寶所成各皆縱廣五十由旬柔軟滑澤觸之猶若迦旃連提迦衣諸比丘有一軋闍婆王名無比喻與五百緊那羅女在雜色善雜色二窟中住具受五欲娛樂遊戲行住坐起諸比丘二窟之

北有大娑羅樹王名爲善住別有八千娑羅  
樹林周而圍遶彼善住娑羅林下有一龍魚  
亦名善住遊止其中色甚鮮白如拘牟陀華  
七枝拄地騰空而行頂骨隆高如因陀羅瞿  
波迦巫其頭赤色具足六牙其牙纖利金沙  
廁填復有八千諸餘龍魚以爲眷屬其色悉  
白如拘牟陀華七枝拄地乃至悉以金填其  
牙於善住娑羅林北爲善住大龍魚王出生  
一池名曼陀吉尼縱廣正等五十由旬其水  
涼冷甘美澄清無諸濁穢乃至藕根大如車  
軸破之汁出色白如乳味甘若蜜諸比丘曼  
陀吉尼池側周而更有八千諸池四面圍遶

一一皆如曼陀吉尼無有異也諸比丘其善住龍爲王意若欲入曼陀吉尼池中遊戲之時即念八千龍魚眷屬時彼八千諸龍魚等亦起是心善住爲王心念我等今者當往善住王處諸魚到已皆在善住龍魚王前低頭而立

尔時善住大龍爲王知諸魚集即便發引向曼陀吉尼池八千龍魚前後圍遶隨從而行善住爲王從容安步諸龍魚中有持白蓋覆其上者有以鼻持白摩尼拂拂其背者有諸樂神歌儻作倡在前引導尔時善住大龍爲王到已便入曼陀吉尼池出沒洗浴歡娛遊戲

縱心適意受諸快樂中有龍魚澆其鼻者或有龍魚摩其牙者或有龍魚揩其耳者或有龍魚灌其頭者或有龍魚淋其背者或有龍魚摩其脇者或有龍魚洗其髀者或有龍魚洗其足者或有龍魚浴其尾者或有龍魚拔取藕根淨洗鼻擎內其口者或有龍魚拔優鉢羅華鉢頭摩華拘牟陀華奔荼利迦華等繫於善住魚王頭者

尔時善住大龍魚王於曼陀吉尼池中恣意洗浴遊戲歡娛自在受樂噉諸龍魚所奉藕根頭上莊飾優鉢羅等種種雜花是事訖已從彼池出上岸停住八千龍魚然後散入八

千池中隨意洗浴遊戲自在受快樂已各食  
藕根食竟亦以優鉢羅等種種雜花繫其頭  
上用自莊飾復共集會善住王所四面圍遶  
恭敬而住

尔時善住大龍魚王與彼八千諸龍魚等前  
後道導從還詣善住娑羅樹林所魚王行時諸龍  
魚等或擎白蓋或執白拂隨從如前諸神作  
樂導引亦尔

尔時善住大龍魚王到善住娑羅大林已在  
樹王下隨意卧起受諸安樂八千龍魚亦各  
詣彼八千樹下行住卧起自在安樂於彼林  
中有娑羅樹其本或復周圍六尋有娑羅樹

其本或復周圍七尋八尋九尋十尋有娑羅  
樹其本周圍十二尋者惟此善住娑羅樹王  
其本周圍十有六尋彼八千娑羅樹林之中  
若有萎黃及所落葉即有風來吹令外出不  
穢其林八千龍魚所有便利穢汙之物有諸  
夜叉隨掃擲棄

諸比丘閻浮提中有轉輪聖王出現世時八  
千魚中一最小者日日晨旦至輪王前供給  
承事調善爲寶因此得名彼善住大龍魚王  
每十五日晨旦往詣天帝釋所在前住立承  
奉馭使諸比丘善住魚王有此神通有此威  
德雖復生於魚畜之中然是龍輩乃有如是

大威神力汝等比丘應當念持

起世經鬱單越洲品第二

諸比丘鬱單越洲有無量山彼諸山中有種種樹其樹鬱鬱茂出種種香其香普徧彼洲處生種種草皆紺青色右旋宛轉如孔雀毛香氣猶如婆師迦華觸之柔爽如迦旃連提迦衣長齊四指下足則偃舉足還復別有種種雜色菓樹樹有種種莖葉花菓出種種香其香普熏種種諸鳥各各自鳴其聲和雅其音微妙彼諸山中有種種河百道流散平順向下漸漸安行不緩不急無有波浪其岸不深平淺易涉其水清澄衆花覆上闊半由旬

水流徧滿諸河兩岸有種種林隨水而生枝  
葉映覆種種香華種種雜菓青草弥布衆鳥  
和鳴又彼河岸有諸妙船雜色莊嚴殊妙可  
愛並是金銀琉璃頗黎赤珠車璪瑪瑙等七  
寶所成

諸比丘鬱單越洲其地平正無諸荆棘深邃  
稠林坑坎屏厠真穢不淨疆石瓦礫純是金  
銀不寒不熱時節調和地常潤澤青草弥覆  
諸雜林樹枝葉恒榮華菓成就諸比丘鬱單  
越洲復有樹林名曰安住其樹皆高六拘盧  
奢一拘盧葉密重布次第相接如草覆屋雨  
滴不漏彼諸人等樹下居住有諸香樹亦高



六拘盧奢或復有高五拘盧奢四三二一拘  
盧奢者其最小樹高半拘盧奢悉有種種枝  
葉華菓此諸樹上隨心流出種種香氣復有  
劫波娑樹亦高六拘盧奢乃至五四三二一  
拘盧奢者如是最小半拘盧奢悉有種種枝葉  
花菓從其菓邊自然而出種種雜衣懸置樹  
間復有種種瓔珞之樹其樹亦高六拘盧奢  
乃至五四三二一拘盧奢者如是最小半拘  
盧奢悉有種種枝葉華菓從其菓邊隨心流  
出種種瓔珞懸垂而住復有鵝樹其樹亦高  
六拘盧奢乃至五四三二一拘盧奢者如是  
最小半拘盧奢亦有種種枝葉花菓從其菓

邊隨心而出種種變形懸著於樹復有器樹  
其樹亦高六拘盧奢乃至五四三二一拘盧  
奢者如是最小半拘盧奢亦有種種枝葉花  
菓從其菓邊隨心而出種種器形懸著於樹  
復有種種衆雜菓樹其樹亦高六拘盧奢乃  
至五四三二一拘盧奢如是最小半拘盧奢皆  
有種種枝葉華菓從其樹枝隨心而出種種  
衆菓在於樹上又有樂樹其樹亦高六拘盧  
奢乃至五四三二一拘盧奢者如是最小半  
拘盧奢亦有種種枝葉華菓從其菓邊隨心  
而出種種樂器懸在樹間其地又有自然杭  
米不藉耕種鮮潔白淨無有皮糲欲熟食時

別有諸菓名曰敦持用作鎗釜燒以火珠不  
假薪炭自然出焰隨意所欲熟諸飲食食既  
熟已珠焰乃息諸比丘鬱單越洲周帀四面  
有四池水其池皆名阿耨達多並各縱廣五  
十由旬其水涼冷柔爽甘輕香潔不濁七重  
塼壘七重版砌七重欄楯周帀圍遶七重鈴  
網周帀懸垂復有七重多羅行樹四面周圍  
雜色可愛金銀琉璃頗梨赤珠車璅馬瑙等  
七寶所成於池四方各有階道一一階道亦  
七寶成雜色綺錯復有諸華優鉢羅花鉢頭  
摩花拘牟陀花奔荼利迦花等青黃赤白及  
縹碧色一一華量大如車輪香氣氤氳微妙

最勝復有諸藕大如車軸破之汁出其色如  
乳食之甘美其味如蜜諸比丘阿耨達多池  
之四面有四大河闊一由旬雜華弥覆其水  
平順直流無曲不急不緩無有波浪奔逸衝  
擊其岸不高平淺易入諸河兩岸有種種林  
交柯映覆出衆妙香有種種草生於其側色  
青柔奕宛轉右旋略說乃至高齊四指下足  
隨下舉足還復亦有諸鳥出種種聲於河兩  
岸又有諸船雜色可樂乃至車璪馬瑙等七  
寶之所合成觸之柔奕如迦旃隣提迦衣  
諸比丘鬱單越洲恒於半夜從阿耨達多四  
池之中起大密雲周而徧布鬱單越洲及諸

山海悉弥覆已然後乃雨八功德水如犍牛  
乳頃雨深四指當下之處即沒地中更不傍  
流還於半夜雨止雲除虛空清淨從海起風  
吹此甘澤清涼柔爽觸之安樂潤彼鬱單越  
洲普令調適肥膩滋濃如巧鬘師及鬘師弟  
子作鬘旣成以水灑散彼鬘被灑光澤鮮明  
諸比丘鬱單越洲其地恒潤悅澤光膩亦復  
如是常如有人以酥油塗諸比丘鬱單越洲  
復有一池名曰善現其池縱廣一百由旬涼  
冷柔爽清淨無濁七寶埴砌乃至藕根味甘  
如蜜  
諸比丘善現池東復有一苑亦名善現其苑

縱廣一百由旬七重欄楯七重鈴網多羅行  
樹亦有七重周帀圍遶雜色可樂乃至悉是  
車璫馬瑙七寶所成一一方面各有諸門於  
一一門悉有却敵雜色可樂亦是金銀琉璃  
珊瑚赤珠車璫馬瑙等七寶所成諸比丘彼  
善現苑平正端嚴無諸荆棘丘陵坑坎礪石  
瓦礫及屏廁等諸雜穢物惟多金銀種種異  
寶節氣調和不寒不熱常有泉流四面彌滿  
樹葉敷榮華菓成就有種種香隨風芬馥復  
有種種異類衆鳥常出妙聲和雅清暢有草  
青色右旋宛轉柔粟細滑如孔雀毛香氣皆  
似婆利師華觸之如觸迦旃隣提迦衣以足

蹈之隨足上下復有諸樹其樹各有種種根  
莖華葉菓實咸出衆香普熏彼地諸比丘善  
現苑中亦有樹林名爲安住樹並舉高六拘  
盧奢葉密重布雨滴不下更相鱗次如草覆  
舍諸人於下居住止宿復有香樹劫波娑樹  
瓔樹鬘樹器樹菓樹又有自然秔米熟飯清  
淨美妙諸比丘彼善現苑無我無主亦無守  
護鬱單越人欲入此苑自在遊戲受諸樂時  
於其四門隨意所趣入彼苑已遊戲澡浴恣  
情受樂欲去即去欲留即留隨心自在諸比  
丘爲鬱單越人故於善現池南復有一苑名  
曰普賢其苑縱廣一百由旬七重欄楯周帀

圍遶乃至熟飯清淨美妙諸比丘此普賢苑亦無守護鬱單越人若欲湏入普賢苑中澡浴遊戲受快樂時從其四門隨意而入入已澡浴遊戲受樂既受樂已欲去即去欲留即留諸比丘為鬱單越人故善現池西復有一苑名曰善華其苑縱廣一百由旬七重欄楯周

而圍遶略說乃至如善現苑等無有異亦復無有守護之者鬱單越人若欲湏入善花苑中澡浴遊戲受快樂時從其四門隨意而入入已澡浴遊戲受樂既受樂已欲去即去欲留即留

諸比丘為鬱單越人故於善現池北復有一



苑名曰喜樂縱廣正等一百由旬乃至無有  
守護之者鬱單越人若欲湏入喜樂苑中澡  
浴遊戲受快樂時從其四門隨意而入入已  
澡浴遊戲受樂既受樂已欲去即去欲留即  
留略說如前善現苑等

諸比丘爲鬱單越人故於善現池東接善現  
苑其間有河名易入道漸次下流無有波浪  
不緩不急雜華徧覆闊二由旬半諸比丘易  
入道河於兩岸上有種種樹枝葉映覆出種  
種香普熏其處生種種草略說乃至觸之柔  
栗如迦旃隣提迦衣高齊四指以足蹈之隨  
足上下或舉或伏又有種種雜色菓樹枝葉

華菓悉皆具足亦有種種香氣普熏種種異  
鳥各各和鳴其河兩岸有諸妙船雜色可樂  
七寶所成金銀琉璃頗梨赤珠車璫馬瑙等  
莊嚴校飾

諸比丘爲鬱單越人故於善現池南有一大  
河名曰善體漸次下流略說皆如易入道河  
此處所有種種樹林與彼無異乃至諸船雜  
色所成柔奘猶若迦旃隣提迦衣諸比丘於  
善現池西爲鬱單越人故有一大河名曰等  
車乃至略說漸次而下諸比丘於善現池北  
爲鬱單越人故有一大河名曰威主漸次而  
下略說乃至兩岸有船七寶莊飾柔奘猶若

迦旃隣提迦衣此中有鬱陀那偈

善現普賢等 善華及喜樂 易入并善體

等車威主河

諸比丘鬱單越人若欲入彼易入道河善體  
等車威主等河澡浴遊戲受諸樂時即皆至  
彼河之兩岸脫其衣裳置於岸側各坐諸船  
乘至水中澡浴身體遊戲受樂既澡浴已隨  
有何人在前出者即取上衣著已而去亦不  
求覓所服本衣何以故鬱單越人無我我所  
無守護故是諸人等又復往詣衆香樹下到  
樹下已其樹自然低枝垂屈爲彼諸人出衆  
妙香令其自手攀擲得及彼人於樹取種種

香用塗身已復各往詣劫波波樹到已其樹  
亦復如前低枝垂下出種種衣令彼諸人手  
所攀及彼人於樹復取種種上妙衣服著已  
而去轉更往詣瓔珞樹下既到彼已瓔珞樹  
枝亦皆垂屈為彼諸人流出種種上妙瓔珞  
手所攀及彼人於樹牽取種種瓔珞之具繫  
著身已更轉往詣諸鬘樹下既到樹已鬘樹  
自然為彼諸人垂枝下曲流出種種上妙寶  
鬘令彼人等手所攀及便於樹枝取諸妙鬘  
繫頭上已轉更往詣諸器物樹既到樹已器  
樹自然枝亦垂下令其手及隨意所欲取彼  
器已持詣菓樹時彼菓樹亦為諸人枝垂下

曲出生種種勝妙甘菓令手擊及彼人於樹  
隨心所欲取其熟菓適意食之於中或有搗  
取其汁器盛而飲食飲既訖乃復往詣音樂  
樹林到彼林已為諸人故音樂樹枝亦皆垂  
下為出種種音樂之器手所擊及彼人於樹  
各隨所須取眾樂器其形殊妙其音和雅取  
已抱持東西遊戲欲彈則彈欲舞則舞欲歌  
則歌隨情所樂受種種樂其事訖已各隨所  
好或去或留

起世因本經卷第一

映

崛笈

上其勿反  
下其葉反

金翅

丁施

徧

遍

狹

侯夾

挺

亭

反縱廣上容反足攔楯下時壘堞下上力水反輦軒

上展反力却敵下徒樓槽下音苑囿下上音牒反

其班吒竹家竹反法丘反刪所間鞞醯上反步迷

反方烏勃下蒲甘蔗下之荻徒的葦干鬼蓄薇

二字音粟軟砌七細脇虛葉拄地上反知織利

廉息填田音迫携若阿穉下奴博壘上音藕音

上娛樂上音隆高中上六厠填去初使晏陶

官反其從容上七倡音澆古堯指苦皆淋音

髀蒲米萎烏為紺古暗緩胡伴荆棘上音屏廁音

深邃下私稠林上直坑坎上口更反反屏廁音

餅下初疆石上音薑瓦礫下音杭粳上音不

藉下才皮糲下苦敷持上昆反鎗釜上音楚庚反



版

砌

上

七

板

字

同

縹

反

小

氛

氲

上

芳

文

反

衝

尺

鍾

柯

音

擊

反

古

候

芬

馥

下

音

蹈

音

餅

下

飯

文

反

澡

浴

一

音

擊

手

音

覽

擗

女

卓

反

又

盜

餅

食

二

同

字

澡

浴

